

# Kabaret Rak, Autobana numer cwai

By finansowych problymów niy mieć,  
Wyjechał kiedyś Erich do Niemiec.  
Woli tam miyszkać z Niemcami w bloku,  
Niźli na Śląsku we familoku.  
Chociaż przez lata dziynki protekcji,  
w Polsce miał etat niyży w dyrekcji,  
cały majątek, i to bez picu  
wywióz w maluchu na tylnim zicu.  
Autobanom numer cwai,  
richtong Doutschland, bo tam raj.  
Tam nic robić niy potrzeba,  
tam banany lecą z nieba.  
Autobanom numer cwai,  
richtong Doutschland, bo tam raj.  
Autobanom numer fiyr  
jedzie, bo tam lepszy bieer.  
Jak już jechali do tyj Europy,  
godać musieli jak zwykle szkopy  
Przez to już w aucie małemu dziecku,  
kozali szfandrać durś po niemiecku.  
Do łojca fater, do mamy muter,  
musioł powiedzieć, by dostać futer,  
I choć tyn bajtel mioł bystro gowa,  
do dzisioj umi ino trzy słowa  
- ańc, cwai, drai.  
Autobanom numer cwai,  
richtong Doutschland, bo tam raj.  
Tam nic robić niy potrzeba,  
tam banany lecą z nieba.  
Autobanom numer cwai,  
richtong Doutschland, bo tam raj.  
Autobanom numer fiyr  
jedzie, bo tam lepszy bieer.  
I chociaż Erich był już w Bułgarii  
Był na Mallorce i Grand Canarii.  
To wciąż na sercu jymu jak blizna,  
leży ojczyzna i ojcowizna.  
Bez to jak on tak, jedzie se autym,  
Jedne go w myślach drynczy pytanie.  
Kaj w końcu miyszko?  
W Niemcach, czy w Polsce,  
A może w aucie, na autobanie?  
Autobanom numer cwai,  
richtong Doutschland, bo tam raj.  
Tam nic robić niy potrzeba,  
tam banany lecą z nieba.  
Autobanom numer cwai,  
richtong Doutschland, bo tam raj.  
Autobanom numer cwai,  
wraco zwiedzać własny kraj.